

**ՆԱՆՈՒՆ ՆԱՅԱՍՏԱՆԻ ՆԱՆՐԱՊԵՏՈՒԹՅԱՆ
ՆԱՅԱՍՏԱՆԻ ՆԱՆՐԱՊԵՏՈՒԹՅԱՆ ՍԱՆՄԱՆԱԴՐԱԿԱՆ ԴԱՏԱՐԱՆԻ
Ո Ր Ո Շ Ո Ւ Մ Ը**

2008 ԹՎԱԿԱՆԻ ՆՈՒՆՎԱՐԻ 8-ԻՆ ՍՏՈՐԱԳՐՎԱԾ՝ ՆԱՅԱՍՏԱՆԻ ՆԱՆՐԱՊԵՏՈՒԹՅԱՆ ԵՎ ԳՅՈՒՂԱՏՆՏԵՍՈՒԹՅԱՆ ԶԱՐԳԱՅՄԱՆ ՄԻՋԱԶԳԱՅԻՆ ՆԻՄՆԱԴՐԱՄԻ ՄԻՋԵՎ ԾՐԱԳՐԻ ՖԻՆԱՆՍԱՎՈՐՄԱՆ ՆԱՄԱԶԱՅՆԱԳՐՈՒՄ (ՇՈՒԿԱՅԱՎԱՐՄԱՆ ՆԱՆՐԱՎՈՐՈՒԹՅՈՒՆ ՖԵՐՄԵՐՆԵՐԻՆ) ԱՄՐԱԳՐՎԱԾ ՊԱՐՏԱՎՈՐՈՒԹՅՈՒՆՆԵՐԻ՝ ՆԱՅԱՍՏԱՆԻ ՆԱՆՐԱՊԵՏՈՒԹՅԱՆ ՍԱՆՄԱՆԱԴՐՈՒԹՅԱՆԸ ՆԱՄԱՊԱՏԱՍԽԱՆՈՒԹՅԱՆ ՆԱՐՅԸ ՈՐՈՇԵԼՈՒ ՎԵՐԱԲԵՐՅԱԿ ԳՈՐԾՈՎ

Քաղ. Երևան

11 մարտի 2008թ.

Նայասպանի Նանրապետության սահմանադրական դափարանը՝ կազմով. Վ.Նովհաննիսյանի (նախագահող), Կ. Բալայանի, Ն. Դանիելյանի, Ֆ. Թոխյանի, Զ. Ղուկասյանի, Ն. Նազարյանի (զեկուցող), Ռ. Պապայանի,

մասնակցությամբ՝ Նանրապետության Նախագահի պաշտոնական ներկայացուցիչ՝ Նայասպանի Նանրապետության գյուղաբնակչության նախարար Դ. Լոքյանի, համաձայն Նայասպանի Նանրապետության Սահմանադրության 100 հոդվածի 2-րդ կետի, 101 հոդվածի 1-ին կետի, «Սահմանադրական դափարանի մասին» Նայասպանի Նանրապետության օրենքի 25, 38 եւ 72 հոդվածների,

դռնբաց նիստում գրավոր ընթացակարգով քննեց «2008 թվականի հունվարի 8-ին ստորագրված՝ Նայասպանի Նանրապետության եւ Գյուղաբնակչության զարգացման միջազգային հիմնադրամի միջեւ ծրագրի ֆինանսավորման համաձայնագրում (Շուկայավարման հնարավորություն ֆերմերներին) ամրագրված պարտավորությունների՝ Նայասպանի Նանրապետության Սահմանադրությանը համապատասխանության հարցը որոշելու վերաբերյալ» գործը:

Գործի քննության առիթ է հանդիսացել Նանրապետության Նախագահի դիմումը սահմանադրական դատարան:

Ուսումնասիրելով գործով զեկուցողի գրավոր հաղորդումը, Նանրապետության Նախագահի ներկայացուցչի գրավոր բացատրությունները, հետազոտելով համաձայնագիրը եւ գործում առկա մյուս փաստաթղթերը, Նայասպանի Նանրապետության սահմանադրական դատարանը **Պ Ա Ր Զ Ե Յ**.

1. Շուկայավարման հնարավորություն ֆերմերներին ծրագրի ֆինանսավորման համաձայնագիրն ստորագրվել է 2008թ. հունվարի 8-ին Նոնում՝ Նայասպանի Նանրապետության եւ Գյուղատնտեսության զարգացման միջազգային հիմնադրամի միջեւ:

2. Նամաձայնագրով նախատեսված դրույթներին եւ պայմաններին համապատասխան Գյուղատնտեսության զարգացման միջազգային հիմնադրամը (Նիմնադրամ) յոթ միլիոն ինը հարյուր հազար Փոխառության հատուկ իրավունքների (7.900.000 ՓՆԻ) չափով փոխառություն եւ երեք հարյուր երեսուն հազար Փոխառության հատուկ իրավունքների (330.000 ՓՆԻ) դրամաշնորհ է տրամադրում Նայասպանի Նանրապետությանը (Փոխառու) «Շուկայավարման հնարավորություն ֆերմերներին» ծրագրի մասնակի ֆինանսավորման համար:

3. Վերոնշյալ ծրագրի նպատակն է բարելավել Նայասպանի գյուղական աղքատ բնակչության սոցիալ-տնտեսական վիճակը: Ծրագրի խնդիրներն են.

-աջակցել համեմատական տնտեսական առավելություններ ունեցող առաջնային արտադրողների եւ առավել բարենպաստ աշխատանքային հնարավորություններ փնտրող գյուղաբնակների հետ սերտ կապ ունեցող ձեռնարկություններին,

-տրամադրել ներդրումային գործիքներ եւ հարակից ֆինանսական միջոցներ, որոնք կբավարարեն գյուղական բաժնետիրական ֆինանսավորման պահանջարկը,

-աջակցել Նայասպանում ֆինանսական ոլորտի հետագա զարգացմանը՝ փոքր եւ միջին գյուղատնտեսական վարկերի պահանջարկը բավարարելու համար:

4. Ծրագիրը բաղկացած է հետևյալ բաղադրիչներից.

ա/ գյուղական ֆինանսավորում, որի խնդիրն է խթանել գյուղական մանրածավալ արտադրողների եւ ՓՄՁ-ների տնտեսական կայուն ակտիվության աճը՝ համապատասխան նորարարական ֆինանսական ծառայություններ տրամադրելու ճանապարհով,

բ/ գյուղական ենթակառուցվածքային ներդրումների, որի խնդիրն է բարելավել հիմնական շահառու խմբի կենսամակարդակը եւ ներդրումային միջավայրը՝ շահու-

թաբեր ձեռնարկատիրության զարգացման եւ կայուն գյուղական տնտեսական աճի համար,

գ/ ծրագրի կազմակերպման եւ կառավարման, որն իրականացվելու է Ծրագրի կառավարման գրասենյակի (ԾԿԳ/ԾԾԿԳ-ի) միջոցով: ԾԿԳ/ԾԾԿԳ-ն ամենօրյա լիակատար պարասխանատվություն կկրի ծրագրի նախագծման, կառավարման, համակարգման, մոնիթորինգի, ծրագրի նպատակին ու խնդիրներին համապատասխանության առումով՝ արդյունքների եւ արդյունավետության գնահատման, նաեւ ֆինանսական եւ կառավարման հաշվետվությունների համար:

5. «Շուկայավարման հնարավորություն ֆերմերներին» ծրագրի ֆինանսավորման համաձայնագրով Նայաստանի Նանրապետությունն ստանձնում է հետևյալ պարավորությունները.

1) ճշգրտորեն եւ ժամանակին իրականացնել համաձայնագրով իրեն, Ծրագրի գլխավոր գործակալությանը եւ ծրագրի այլ կողմերին վերագրված պարավորությունները,

2) Նիմնադրամին պարբերաբար՝ յուրաքանչյուր տարվա փետրվարի 1-ին եւ օգոստոսի 1-ին, վճարել փոխառության օգտագործված գումարի հաշվարկով տարեկան 0.75 տոկոսի չափով ծառայավճար՝ փոխառության ծառայավճարի արտարժույթով,

3) Նիմնադրամին վերադարձնել փոխառության հիմնական գումարը՝ հիսունինը (59) հավասար կիսամյակային մասնաբաժիններով, յուրաքանչյուրը՝ 131.667 ՓՆԻ: Վճարումները պետք է կատարվեն փոխառության ծառայավճարի արտարժույթով՝ յուրաքանչյուր տարվա փետրվարի 1-ին եւ օգոստոսի 1-ին՝ սկսած 2018թ. փետրվարի 1-ից մինչեւ 2047թ. փետրվարի 1-ը (կատարելով նաեւ մեկ վերջնական վճարում՝ 131.647 ՓՆԻ, 2047թ. օգոստոսի 1-ին),

4) ծրագրի գործունեության ընթացքում Ծրագրի գլխավոր գործակալությանը տրամադրել իր մասնաբաժինը՝ մոտավորապես հինգ միլիոն (5.000.000) ԱՄՆ դոլարի չափով, որից երկու միլիոն հինգ հարյուր հազար (2.500.000) ԱՄՆ դոլար կանխիկ ներդրումը կօգտագործվի «Գյուղական ենթակառուցվածքներ» բաղադրիչի ֆինանսավորման համար եւ մինչեւ երկու միլիոն հինգ հարյուր հազար (2.500.000) ԱՄՆ դոլար՝ հարկերի եւ փոխարկերի վճարման համար:

6. Նամաձայնագիրը նախատեսում է ուժի մեջ մտնելու մի շարք նախապայմաններ, որոնք պետք է իրականացվեն Նայաստանի Նանրապետության կողմից:

7. Համաձայնագրով Հայաստանի Հանրապետության սրանձնած պարտավորությունները համահունչ են ՆՏ Սահմանադրության 1-ին հոդվածում ամրագրված՝ Հայաստանի Հանրապետության՝ որպես սոցիալական պետության, սկզբունքին:

Ելնելով գործի քննության արդյունքներից եւ ղեկավարվելով Հայաստանի Հանրապետության Սահմանադրության 100 հոդվածի 2-րդ կետով, 102 հոդվածի առաջին եւ չորրորդ մասերով, «Սահմանադրական դատարանի մասին» Հայաստանի Հանրապետության օրենքի 63,64,72 հոդվածներով, Հայաստանի Հանրապետության սահմանադրական դատարանը **Ո Ր Ո Շ Ե Ց .**

1. 2008 թվականի հունվարի 8-ին ստորագրված՝ Հայաստանի Հանրապետության եւ Գյուղարնրեսության զարգացման միջազգային հիմնադրամի միջեւ ծրագրի ֆինանսավորման համաձայնագրում (Շուկայավարման հնարավորություն ֆերմերներին) ամրագրված պարտավորությունները համապարասխանում են Հայաստանի Հանրապետության Սահմանադրությանը:

2. Հայաստանի Հանրապետության Սահմանադրության 102 հոդվածի երկրորդ մասի համաձայն սույն որոշումը վերջնական է եւ ուժի մեջ է մտնում հրապարակման պահից:

ՆԱԽԱԳԱՏՈՂ

Վ. ՆՈՎՆԱՆՆԻՍՅԱՆ

11 մարտի 2008 թվականի
ՍԴՈ- 737